

Odluka visokog predstavnika o uspostavljanju Nezavisne ekspertne komisije za pripremu izbornog zakona

U skladu sa ovlaštenjima koja su mi data prema Aneksu 10 Općeg okvirnog sporazuma za mir u Bosni i Hercegovini i uz konsultacije sa šefom misije OSCE-a u Bosni i Hercegovini, ambasadorom Robertom Barryem, ovim uspostavljam Nezavisnu ekspertnu komisiju za pripremu Nacrta izbornog zakona, kao što je to dogovoreno prema Aneksu III Općeg mirovnog sporazuma za mir.

1. Navedenim Izbornim zakonom se Stalnoj izbornoj komisiji daje odgovornost za održavanje izbora u Bosni i Hercegovini ubuduće, kao što su to Strane dogovorile u Aneksu 3, član V, Općeg mirovnog sporazuma za mir.
2. Nezavisna ekspertna komisija će posvećivati posebnu pažnju „Deklaraciji Ministarskog sastanka Upravnog odbora Vijeća za implementaciju mira“ usvojenoj u Luksemburgu, dana 9. juna 1998., u kojoj je naglašena potreba za ubrzanjem tekuće izrade Nacrta gore navedenog Izbornog zakona.
3. Nacrt Izbornog zakona će u potpunosti biti u skladu sa „Dokumentom drugog sastanka Konferencije o ljudskoj dimenziji sigurnosti i saradnje u Evropi“, Kopenhagen, 1990. (prilog Aneksu 3 o Izborima).
4. Komisija će biti nezavisno tijelo sastavljeno od sedam nacionalnih stručnjaka koje će imenovati Visoki predstavnik, zatim osobe koju odredi Visoki predstavnik, koja će predsjedavati Komisijom i njegov/njen zamjenik, kao i osobe koju odredi Šef misije OSCE-a i njegov/njen

zamjenik.

5. Visoki predstavnik će odrediti međunarodno savjetodavno tijelo u cilju osiguranja da je Nacrt izbornog zakona u potpunosti u skladu sa međunarodnim normama i standardima.
6. Ova Komisija će prestati postojati u vrijeme koje odredi Visoki predstavnik, ali ne prije usvajanja Nacrta izbornog zakona od strane Parlamentarne skupštine Bosne i Hercegovine.

Sarajevo, 1. avgusta 1998.

Carlos Westendorp
Visoki predstavnik